



SLUŽBENI GLASNIK

GRADA BIHAĆA

Broj 8 / 2019.

18. juli 2019.
BIHAĆ

Izdanje na bosanskom
jeziku

195.

Na osnovu člana 24. stav (1) Zakona o unutrašnjoj trgovini („Službene novine Federacije BiH“ br. 40/10 i 79/17), člana 11. stav (2) Zakona o ugostiteljskoj djelatnosti („Službene novine Federacije BiH“ br. 32/09), člana 40. Zakona o obrtu i srodnim djelatnostima („Službene novine Federacije BiH“ br. 35/09 i 42/11) i člana 35. tačka c) Statuta Grada Bihaća („Službeni glasnik Grada Bihaća“ br. 13/15 i 13/18), Gradsko vijeće Bihać na 39. sjednici održanoj dana 16.07.2019. godine, donijelo je

ODLUKU

O RADNOM VREMENU U ODREĐENIM DJELATNOSTIMA NA PODRUČJU GRADA BIHAĆA

DIO PRVI - OPĆE ODREDBE

Član 1.

Odlukom o radnom vremenu u određenim djelatnostima na području grada Bihaća (u daljem tekstu: Odluka) utvrđuje se radno vrijeme u toku sedmice, te početak i završetak radnog vremena u toku dana u objektima koji se nalaze na području grada Bihaća, u kojima fizička i pravna lica, u skladu sa zakonom, obavljaju uslužnu djelatnost: trgovinu, ugostiteljstvo, turizam i zanatstvo (u daljem tekstu: uslužne djelatnosti).

Član 2.

Odredbe ove Odluke ne primjenjuju se na:

- poslovne jedinice-radnje koje pružaju ugostiteljske usluge uposlenim u preduzećima, organizacijama, udruženjima i ustanovama;
- na skladišta/stovarišta u kojima se vrši promet robe na veliko.

Član 3.

(1) Minimalno radno vrijeme je vrijeme u kojem objekti u kojima se obavljaju uslužne djelatnosti moraju biti otvoreni radi zadovoljavanja potreba građana u skladu sa zakonom.

(2) Minimalno radno vrijeme traje najmanje 8 sati dnevno, s tim da ne može biti kraće od četiri (4) sata prije podne i četiri (4) sata poslije podne, osim ako ovom Odlukom, za pojedine uslužne djelatnosti nije drugačije određeno.

(3) Izuzetno, u dane vikenda, državnih i vjerskih praznika, može se utvrditi i duže i kraće radno vrijeme.

(4) Raspored, početak i završetak radnog vremena se utvrđuje u ovisnosti od toga da li se radi o zimskom ili ljetnom periodu. U ovisnosti od vremenskog perioda može se uvesti dvokratno radno vrijeme.

Član 4.

Obavijest o radnom vremenu mora biti istaknuta na vidnom mjestu na ulazu u radne prostorije, a lica koja obavljaju uslužne djelatnosti dužna su da se pridržavaju istaknutog

radnog vremena, utvrđenog u skladu sa ovom Odlukom.

Član 5.

Radno vrijeme u poslovnim prostorima može biti i duže od minimalnog radnog vremena utvrđenog ovom Odlukom i to na način kako utvrde subjekti poslovnih prostora, uz prethodno pribavljeno odobrenje nadležne gradske Službe (u daljem tekstu: Služba).

DIO DRUGI-RADNO VRIJEME U OBLASTI USLUŽNIH DJELATNOSTI

POGLAVLJE I. Radno vrijeme prodavnica na malo

Član 6.

(1) U prodavnicama u kojima se vrši promet na malo prehrambenim proizvodima može se odrediti radno vrijeme svakim radnim danom od 06,00 do 21,00 sat u zimskom periodu (od 01.10. do 31.03.), odnosno od 06,00 do 22,00 sata u ljetnom periodu (od 01.04. do 30.09.).

(2) Izuzetno od odredbe prethodnog stava prodavnice koje ne mogu obezbijediti neprekidno radno vrijeme, mogu raditi jednokratno ili dvokratno, a u skladu sa članom 3. stav (2) ove Odluke.

(3) Odredbe iz stava (1) ovog člana ne odnose se na prodajni dio pekara koje u svom sastavu osim proizvodnog imaju i prodajni dio.

Član 7.

Prodavnice tipa dragstor moraju biti otvorene neprekidno od 00 do 24 sata.

Član 8.

(1) U prodavnicama u kojima se vrši promet na malo neprehrambenim proizvodima može se odrediti radno vrijeme svakim radnim danom od 06,00 do 21,00 sat u zimskom periodu (od 01.10. do 31.03.), odnosno od 06,00 do 22,00 sata u ljetnom periodu (od 01.04. do 30.09.).

(2) Izuzetno od odredbe prethodnog stava prodavnice koje ne mogu obezbijediti neprekidno radno vrijeme, mogu raditi dvokratno, a u skladu sa članom 3. stav (2) ove Odluke.

Član 9.

(1) Radno vrijeme tržnica, odnosno pijaca može trajati od 07,00 do 19,00 sati u ljetnom periodu i od 08,00 do 17,00 sati u zimskom periodu.

(2) Radno vrijeme sajмова, vašara, izložbi i drugih povremenih načina obavljanja trgovine određuju poslovni subjekti.

Član 10.

(1) Državni praznici, koji su utvrđeni posebnim propisom, i to: Dan državnosti BiH, Dan nezavisnosti BiH, 1.maj i Nova godina su neradni dani.

(2) Za vrijeme obilježavanja praznika Nove godine i 1.maja, neradni je prvi dan.

(3) U vrijeme vjerskih praznika, i to: Kurban Bajrama, Ramazanskog Bajrama i Božića prvi dan određuje se kao neradni dan.

Član 11.

(1) Minimalno radno vrijeme u apotekama je 8 sati dnevno, a subotom 5 sati, stim što se rad može odvijati i dvokratno u skladu sa članom 3. stav (2) ove Odluke.

(2) Apoteke mogu raditi i duže od minimalnog radnog vremena, kao i uvesti dežurstvo nedeljom, ukoliko ispunjavaju zakonom predviđene uvjete.

Član 12.

Radno vrijeme benzinskih pumpi, te ugostiteljskih i trgovinskih objekata koji rade u sastavu benzinskih pumpi može trajati u vremenu od 00 do 24 sata.

POGLAVLJE II. Radno vrijeme ugostiteljskih objekata i igara na sreću

Član 13.

(1) U objektima u kojima se obavlja ugostiteljska djelatnost određuje se radno vrijeme svakim danom od 06,00 do 24,00 sata u zimskom računanju vremena, odnosno od 06,00 do 01,00 sat u ljetnom računanju vremena.

(2) Ugostiteljski objekti koji imaju uslove za rad noću, u zatvorenim prostorima: noćni bar, noćni klub i disco klub (disco bar), rade od 21 do 03 sata.

(3) Nakon isteka radnog vremena zabranjeno je zadržavanje lica u objektu osim uposlenika tog objekta.

(4) Izuzetno od navedenog vremena iz stava (1) ovog člana, može se produžiti navedeno radno vrijeme rješenjem nadležne Službe.

(5) U svim ugostiteljskim objektima zabranjeno je izvođenje ili emitovanje muzike na dan 11.07. svake godine.

Član 14.

Hoteli, moteli, pansioni, prenoćišta i drugi objekti koji pružaju usluge smještaja i to odjel recepcije, mogu svoje radno vrijeme organizovati non stop tj. od 00 do 24 sata.

Član 15.

Svi ugostiteljski objekti moraju ispunjavati posebne uslove iz Zakona o zaštiti od buke.

Član 16.

Ugostiteljski objekti mogu u ljetnom periodu, tj. od 01.04. do 30.09. produžiti radno vrijeme iznad maksimalno utvrđenog radnog vremena samo po dobijenom rješenju za produženje radnog vremena od strane nadležne Službe.

Član 17.

Rješenje za produženje radnog vremena iz člana 16. ove Odluke Služba donosi na zahtjev ugostitelja, a po ispunjenju sljedećih kriterija od strane ugostitelja:

- a) prethodno pribavljeno pismeno mišljenje izdato od nadležne policijske uprave ili stanice po zahtjevu ugostitelja;
- b) provođenje svih mjera zaštite na radu i zaštite od buke;
- c) dostavljanje potvrde od strane Porezne uprave o izmirenim poreznim obavezama;
- d) dostavljanje potvrda o izmirenim obavezama ugostitelja prema Gradu Bihaću i prema javnim komunalnim preduzećima.

Član 18.

(1) Produženi rad može se odobriti ugostiteljskom objektu u ljetnom periodu i poslije 01,00 sat a najduže do 02 sata i to za dane petak, subota i nedelja, najduže na period od 6 mjeseci.

(2) Produženi rad može se izuzetno odobriti i poslije 02 sata u dane praznika.

Član 19.

(1) Vlasniku ugostiteljskog objekta i privrednom društvu kojima je rješenjem nadležne Službe dozvoljeno produženje radnog vremena, a isti se ne pridržavaju odredaba ove Odluke ili remete javni red i mir, uskratit će se dalje

produženje istog na period ne kraći od šest mjeseci.

(2) Zahtjev za ukidanje produženja radnog vremena može podnijeti nadležna inspekcija, savjet Mjesne zajednice, grupa građana (stanara) i Policijska stanica Bihać.

Član 20.

(1) Ugostiteljski objekti u kojima se organizuju prigodne svečanosti i zabave različitog sadržaja (party, svadbe, rođendani, maturske svečanosti, godišnjice, proslava odbrane diplomskog, postdiplomskog rada i doktorata te određene tradicionalne svečanosti kao što je proslava „Nove godine“, „Dana žena“, „Valentinova“ i sl.), mogu raditi u radnom vremenu od 19,00 sati do 03,00 sati narednog dana, ukoliko su prethodno pribavili rješenje o produženju radnog vremena od nadležne Službe.

(2) Ugostitelj u čijem objektu se organizuje prigodna svečanost obavezan je da zahtjev sa popratnom dokumentacijom i ovjerenim ugovorom sa naručiocem ugostiteljske usluge, dostavi najkasnije 7 dana prije proslave, uz uslov da se u toku rada ugostiteljskog objekta ne remeti javni red i mir.

(3) Nadležna Služba će izdati jednokratno odobrenje za produženje radnog vremena iz stava (1) ovog člana, uz prethodnu saglasnost Policijske stanice Bihać, ako poslovni subjekt ili njegova poslovna jedinica, kao i odgovorno lice poslovnog subjekta, nije pravosnažno kažnjeno zbog remećenja javnog reda i mira i zbog nepoštivanja odredbi ove Odluke, u periodu od tri mjeseca unazad od podnošenja zahtjeva za produženje radnog vremena.

Član 21.

Ugostiteljski objekti izuzev hotela i motela koji pružaju usluge smještaja mogu uvesti jedan dan kao neradni u sedmici.

Član 22.

Objekti u kojima se obavljaju djelatnosti koje se odnose na igre na sreću u skladu sa Zakonom o igrama na sreću F BiH, kao i djelatnosti koje se odnose na pružanje internet usluga, a u kojima se ne služe alkoholna pića i ne pušta muzika, mogu svoje radno vrijeme organizovati najkasnije do 23,00 sata, ukoliko ispunjavaju uvjete predviđene zakonima koji regulišu ovu oblast.

POGLAVLJE III. Radno vrijeme ustanova za dnevni boravak djece i zanatskih djelatnosti**Član 23.**

Radno vrijeme ustanova za dnevni boravak djece (obdaništa, vrtići, i slično) uvodi se u trajanju od 06,00 sati do 21,00 sat, svakim radnim danom i prvom subotom u mjesecu.

Član 24.

(1) Objekti u kojima se obavljaju zanatske djelatnosti moraju obezbijediti minimalno radno vrijeme u skladu sa članom 3. ove Odluke, a izuzetno mogu raditi i u dvije smjene prema ispunjenju minimalno tehničkih uvjeta potrebnih za rad određenih obrtničkih zanimanja.

(2) Radno vrijeme poslovnih objekata iz stava (1) ovog člana ne odnosi se na proizvodne pogone i radnje koje zbog karaktera procesa proizvodnje moraju poslovati mimo utvrđenih vremenskih intervala, uz obavezu poštivanja javnog reda i mira, isključivo u dijelu proizvodnog procesa.

POGLAVLJE IV. Izuzetci od propisanog radnog vremena**Član 25.**

Gradonačelnik može u slučajevima održavanja prigodnih manifestacija od značaja za grad, a po zahtjevu poslovnih subjekata, privremeno odrediti drugačije radno vrijeme poslovnih subjekata obuhvaćenih ovom Odlukom, ako ocijeni da za to postoje opravdani razlozi.

Član 26.

Gradonačelnik može za djelatnosti iz člana 1. ove Odluke odrediti drugačije radno vrijeme u dane praznika od radnog vremena propisanog Odlukom, ako ocijeni da za to postoji potreba.

DIO TREĆI - NADZOR I KAZNENE ODREDBE**Član 27.**

Nadzor nad provođenjem odredaba ove Odluke će vršiti nadležne inspekcije, te Prva policijska uprava Bihać, svako iz svoje nadležnosti.

Član 28.

Novčanom kaznom u iznosu od 1.000,00 KM do 5.000,00 KM kaznit će se za prekršaj pravno lice i vlasnik radnje, ako:

- a) odredi radno vrijeme suprotno odredbama ove Odluke,
- b) na propisan način ne istakne obavijest o radnom vremenu (član 4. Odluke).
- c) se ne pridržava istaknutog radnog vremena,
- d) koristi muziku suprotno članu 13. ove Odluke,
- e) dozvoljava boravak gostiju nakon isteka radnog vremena.

Član 29.

Za prekršaje iz člana 28. ove Odluke, kaznit će se i odgovorno lice u pravnom licu novčanom kaznom u iznosu od 1.000,00 KM do 2.000,00 KM.

DIO ČETVRTI- PRIJELAZNE I ZAVRŠNE ODREDBE**Član 30.**

Poslovni subjekti koji posluju u objektima iz člana 1. ove Odluke, dužni su svoje radno vrijeme uskladiti s odredbama ove Odluke u roku od 30 dana od dana njenog stupanja na snagu.

Član 31.

Postupci koji su pokrenuti prije stupanja na snagu ove Odluke, okončat će se u skladu sa propisima koji su važili do dana stupanja na snagu ove Odluke.

Član 32.

Stupanjem na snagu ove Odluke prestaje da važi Odluka o radnom vremenu objekata u oblasti trgovine, ugostiteljstva, obrtničkih i srodnih djelatnosti na području Općine Bihać („Službeni glasnik Općine Bihać“ broj 8/13, 9/15 i 12/17).

Član 33.

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Broj: GV-02-152/19
16. jula 2019. godine
Bihać

Predsjedavajući
Gradskog vijeća
Davor Župa, s.r.

196.

Na osnovu člana 46. Zakona o prostornom uređenju i građenju ("Sl.glasnik USK-a", br.12/13 i 03/16), i člana 35. tačka h) Statuta Grada Bihaća („Službeni glasnik Grada Bihaća“ broj 13/15 i 13/18), Gradsko vijeće Bihać na 39. sjednici održanoj dana 16.07. 2019.godine, donijelo je:

ODLUKU

**O PRISTUPANJU IZRADI IZMJENA
I DOPUNA REGULACIONOG PLANA
NASELJA "CERAVCI I" ZA
PODRUČJE "F"**

Član 1.

Pristupa se izradi izmjena i dopuna Regulacionog plana "Ceravci I" („Službeni glasnik općine Bihać“ broj:10/86, 5/14, 05/03, 07/11, 13/11, 06/13, 01/14, 05/14 i „Službeni glasnik grada Bihać“ broj: 09/17) za područje „F“, uvođenjem nove mikrolokacije „F1“ (u daljem tekstu: izmjene i dopune Plana).

Član 2.

Izrada izmjena i dopuna Plana vršit će se na ukupnoj površini od :

- mikrolokacija „F1“ - P = 8.643,80 m²

Član 3.

Izradom izmjena i dopuna Plana obuhvaćen je prostor omeđen slijedećim granicama:

Mikrolokacija „F1“

- Granica započinje u tački „A“ koja se položajno nalazi na k.č.br.4217/4 (put) u k.o.Bihać-Grad i kreće se pravolinijski u pravcu sjevero-istoka na način da presijeka k.č.br.4216/4, 9598/5 sve u k.o.Bihać-Grad i nastavlja istim pravcem i istim smijerom na način da presijeca k.č.br. 4204/6(put), a zatim se lomi pod približno pravim uglom u pravcu istoka nastavljajući na način da presijeca k.č.br.4204/9,4203/11 i k.č.br.4220 sve u k.o.Bihać-Grad, a zatim se ponovo lomi pod pravim uglom u pravcu juga i to pravolinijski presijecajući k.č. br. 4220 u k.o.Bihać-Grad, a zatim mijenja smijer pod pravim uglom i nastavlja se protezati u pravcu zapada pravolinijski na način da presijeca k.č. br. 4203/1, k.č. br. 9598/1, zatim presijeca k.č. br. 4217/5 i nastavlja se protezati do početne tačke „A“ gdje i započinje.

Član 4.

(1) Smjernice za izradu izmjena i dopuna Plana, odnosno osnovni principi kojima izrada izmjena i dopuna Projekta treba biti vođena je:

– zaštita javnog interesa

(da ostvarivanje i zaštita prava građana i investitora na rad, stanovanje, izgradnju i dr. ne bude na štetu prava drugih osoba)

– racionalnije korištenje gradskog građevinskog zemljišta;

– racionalnije i kvalitetnije rješavanje postojećih i novoplaniranih saobraćajnih površina, sa akcentom na saobraćaj u mirovanju;

(2) Izradom izmjena i dopuna Plana utvrđuju se urbanističko tehnički uvjeti za izgradnju objekata, uvjeti za uređenje građevinskog zemljišta, uvjeti za uređenje zelenih i slobodnih površina, uvjeti pod kojima se pojedine djelatnosti mogu obavljati, procenat izgrađenosti, koeficijent izgrađenosti i drugo, a u skladu sa namjenom površina shodno Urbanističkom planu grada Bihaća («Službeni glasnik općine Bihać» br. 03/03,10/07 i 03/10).

Član 5.

Rok izrade Plana je godinu dana od dana zaključenja Ugovora sa nosiocem izrade Plana.

Član 6.

Sredstva za izradu Plana će se obezbijediti učešćem investitora koji je uputio inicijativu za izradu izmjena i dopuna regulacionog plana broj: 03/2-23-1-1016/19 od 19.03.2019. godine i broj: 03/2-23-1-1016/19 od 14.05.2019. godine, a što će se definisati posebnim ugovorom između Gradske uprave Bihać i Investitora.

Član 7.

Nosilac izrade Plana odredit će se u skladu sa Zakonom o javnim nabavkama.

Član 8.

Nosilac pripreme Plana je Gradonačelnik, putem Službe za urbanističko planiranje, građenje i urbanističko-građevinsku inspekciju.

Član 9.

Nosilac pripreme za izradu Plana će utvrditi nacrt Plana i podnijet će ga Gradskom vijeću na razmatranje i stavljanje na uvid i javnu raspravu.

Član 10.

Na osnovu rezultata Javne rasprave nosilac pripreme će utvrditi prijedlog Plana i podnijet će ga Gradskom vijeću na usvajanje.

Član 11.

Sastavni dio ove Odluke je Grafički prilog obuhvata područja „F1“.

Član 12.

Obavezan sadržaj elaborata izmjena i dopuna Plana utvrđen je članom 68. Uredbe o jedinstvenoj metodologiji za izradu dokumenata prostornog uređenja („Službene novine Federacije BiH“, br. 63/04, 50/07 i 84/10).

Član 13.

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Broj: GV-02-153
16. jula 2019. godine
B i h a ć

Predsjedavajući
Gradskog vijeća
Davor Župa, s.r.

197.

Na osnovu člana 46. Zakona o prostornom uređenju i građenju („Službeni glasnik Unsko-sanskog kantona“ br. 12/13, 3/16) i člana 35. tačka h) Statuta Grada Bihaća („Službeni glasnik Grada Bihaća“ br. 13/15 i 13/18), Gradsko vijeće Bihać na 39. sjednici održanoj dana 16.07.2019.godine, donijelo je :

ODLUKU**O PRISTUPANJU IZRADI IZMJENA I DOPUNA URBANISTIČKOG PROJEKTA „DIJELA UŽEG GRADSKOG CENTRA SA DIJELOM TRGA MARŠALA TITA“****Član 1.**

Pristupa se izradi izmjena i dopuna Urbanističkog projekta „Dijela užeg gradskog centra sa dijelom Trga Maršala Tita“ („Službeni glasnik općine Bihać“ br. 07/14).

Član 2.

Izrada izmjena i dopuna Projekta vršit će se u već utvrđenim granicama usvojenog Urbanističkog projekta „Dijela užeg gradskog centra sa dijelom Trga Maršala Tita“ („Službeni glasnik općine Bihać“ br. 07/14), ukupne površine obuhvata Projekta 3,62 ha i to:

Obuhvata granicu sa zapadne strane ulicama: Krupskom, Bosanskom, Trgom Dž.Čauševića i Gazi Husrev Begovom, sa južne graniči lokacijom na kojoj je postojao objekat Konaka, sa istočne strane ide osovinom toka rijeke Une i na sjeveru se zatvara obuhvatajući prostor individualnih stambenih objekata i parcela u ulici Huseina kapetana Gradašćevića.

Član 3.

Izradom izmjena i dopuna Projekta utvrđuje se politika izgradnje planiranih objekata, sveobuhvatna analiza postojećih objekata, mjere sanacije fasada ili adaptacije cijelih objekata, a u cilju aktivnosti na revitalizaciji cijelog okruženja i uključenja cijelog prostora u savremene socio ekonomske tokove života, te saobraćajne, elektroenergetske, telekomunikacione, vodovodne i kanalizacione infrastrukture, za plansko razdoblje od 5 godina (2019-2024) na području prostornog obuhvata izrade izmjena i dopuna Projekta.

Član 4.

(1) Smjernice za izradu izmjena i dopuna Projekta, odnosno osnovni principi kojima izrada izmjena i dopuna Projekta treba biti vođena su:

- zaštita javnog interesa

(da ostvarivanje i zaštita prava građana i investitora na rad, stanovanje, izgradnju i dr. ne bude na štetu prava drugih osoba)

- racionalnije korištenje gradskog građevinskog zemljišta

(interpolacijom u već izgrađenoj strukturi naselja moguće je ostvariti max. koeficijent izgrađenosti zemljišta koji ovaj obuhvat može imati, uz poštivanje postojećih izgrađenih objekata, njihove konstruktivne i statičke stabilnosti, uslova insolacije, prava na vidik, prava na svjetlost i dr.)

- racionalnije i kvalitetnije rješavanje postojećih i novoplaniranih saobraćajnih površina, sa akcentom na saobraćaj u mirovanju;

- usaglašavanje arhitektonsko-urbanističkih rješenja sa postojećom/izvedenom mrežom komunalne infrastrukture;

- omogućiti donošenje i usvajanje provodivog Urbanističkog projekta;

- poboljšanje urbanog standarda naselja

(predmetni obuhvat predstavlja gradski centar, te je potrebno planirati različite sadržaje koji će poboljšati urbani standard);

(2) Izmjenama i dopunama Projekta detaljno se daju urbanističko-arhitektonska rješenja područja za koje se urbanistički projekat donosi, nivelaciono-regulacioni podaci, uređenje okoliša, idejna rješenja objekata i uređaja komunalne infrastrukture i idejni projekti planiranih objekata, u svemu prema članu 40. Zakona o prostornom uređenju i građenju.

Član 5.

Rok izrade izmjena i dopuna Projekta je godina dana od dana zaključenja Ugovora sa nosiocem izrade projekta.

Član 6.

Sredstva za izradu Projekta će se obezbijediti Budžetom Grada Bihaća uz mogućnost učešća investitora, koji planiraju graditi u obuhvatu izmjena i dopuna Projekta, a što će se definisati posebnim ugovorom između Grada Bihaća i investitora.

Član 7.

Po utvrđivanju nacrtu Plana će se organizirati Javni uvid i Javna rasprava. Na osnovu rezultata Javne rasprave nosilac pripreme će utvrditi prijedlog Projekta i podnijet će ga Gradskom vijeću na usvajanje.

Član 8.

Nosilac pripreme Projekta je Gradonačelnik, putem Službe za urbanističko planiranje, građenje i urbanističko-građevinsku inspekciju.

Član 9.

Nosilac izrade Projekta odredit će se u skladu sa Zakonom o javnim nabavkama Bosne i Hercegovine.

Član 10.

Obavezan sadržaj elaborata izmjena i dopuna Projekta je utvrđen članom 70. i 71. Uredbe o jedinstvenoj metodologiji za izradu dokumenata prostornog uređenja («Službene novine FBiH» br. 63/04, 84/10, 50/07).

Član 11.

Ova Odluka stupa na snagu 8 (osam) dana od dana objavljivanja u „Službenom glasniku grada Bihaća“.

Broj: GV-02-154
16. jula 2019. godine
Bihać

Predsjedavajući
Gradskog vijeća
Davor Župa, s.r.

198.

Na osnovu člana 5. stav 3. a u vezi sa članom 28. stav 3. Zakona o koncesijama („Službeni glasnik Unsko-sanskog kantona“ broj 10/03, 7/09, 19/13 i 9/17) i člana 35. tačka gg) Statuta Grada Bihaća („Službeni glasnik Grada Bihaća“ broj 13/15 i 13/18), Gradsko vijeće Bihać na 39. sjednici održanoj dana 16.07.2019. godine, donijelo je

ODLUKU

O DAVANJU SAGLASNOSTI NA PRENOS UGOVORA O KONCESIJI ZA ISTRAŽIVANJE I EKSPLOATACIJU DOLOMITA NA LEŽIŠTU „GATA“ SA PRIVREDNOG DRUŠTVA „IKIĆ- COMERC“ D.O.O. BIHAĆ NA PRIVREDNO DRUŠTVO „IE GRADNJA“ D.O.O. BIHAĆ

I

Daje se saglasnost Vladi Unsko-sanskog kantona, Ministarstvu privrede za prenos Ugovora o koncesiji broj: KU 014/2004 od 15.07.2004. godine za istraživanje i eksploataciju dolomita na ležištu „Gata“ Grad Bihać, sa privrednog društva „IKIĆ-COMERC“ d.o.o. Bihać na privredno društvo „IE GRADNJA“ d.o.o. Bihać.

II

Saglasnost iz tačke I ove Odluke daje se pod uvjetom da novi koncesionar prema Budžetu Grada Bihaća u cjelosti izmiri dospjele, a neizmirene obaveze ranijeg koncesionara.

III

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Broj: GV-02-156/19
16. jula 2019. godine
Bihać

Predsjedavajući
Gradskog vijeća
Davor Župa, s.r.

199.

Na osnovu člana 14. stav (4) Zakona o eksproprijaciji („Službene novine Federacije BiH“, br. 70/07, 36/10, 25/12 i 34/16) i člana 35. tačka j) Statuta Grada Bihaća („Službeni glasnik Grada Bihaća“, br. 13/15 i 13/18), Gradsko vijeće Bihać na 39. sjednici održanoj dana 16.07.2019. godine, donijelo je

i spašavanja – sprečavanje i ublažavanje prirodnih i drugih nesreća (poplava, klizišta, odroni, čišćenje odvodnih kanala oborinskih voda, zarazne bolesti ljudi i životinja) – sredstva civilne zaštite za posebne namjene, odobravaju se sredstva u iznosu 150.000,00 KM (slovima: jedna stotina pedeset hiljada konvertibilnih maraka i nula feninga).

Član 2.

Sredstva iz člana 1. ove Odluke koristit će se za sufinansiranje Programa uređenja i održavanja vodotoka i drugih voda, izgradnja, rekonstrukcija i održavanje vodnih objekata za 2019. godinu- učešće Grada Bihaća čiji je nosilac JU "Zavod za prostorno uređenje" – Bihać razdjel 5001000 ekonomski kod 613300.

Član 3.

Gradonačelnik će putem JU "Zavod za prostorno uređenje" Bihać Gradskom vijeću, podnijeti izvještaj o utrošku sredstava namjenjenih za sufinansiranje Programa iz član 1. ove Odluke.

Član 4.

O izvršenju ove Odluke starat će se Služba za finansije i Služba civilne zaštite.

Član 5.

Ova Odluka stupa na snagu slijedećeg dana od objavljivanja u "Službenom glasniku Grada Bihaća".

Broj: GV-02-158
16. jula 2019. godine
B i h a ć

Predsjedavajući
Gradskog vijeća
Davor Župa, s.r.

201.

Na osnovu člana 14. tačka f) Odluke o osnivanju Javne ustanove „Zavod za prostorno uređenje“ Bihać-Prečišćeni tekst („Službeni glasnik Grada Bihaća“ broj: 7/15) i člana 35. tačka ff) Statuta Grada Bihaća („Službeni glasnik Grada Bihaća“, broj: 13/15 i 13/18), Gradsko vijeće Bihać na 39. sjednici održanoj dana 16.07.2019. godine, donijelo je

ZAKLJUČAK

O DAVANJU SAGLASNOSTI NA ODLUKU O IZMJENAMA I DOPUNAMA PRAVILA JAVNE USTANOVE „ZAVOD ZA PROSTORNO UREĐENJE“ BIHAĆ

I

Daje se saglasnost na Odluku o izmjenama i dopunama Pravila JU „Zavod za prostorno uređenje“ Bihać, koja je usvojena Odlukom Upravnog odbora JU „Zavod za prostorno uređenje“ Bihać, broj: 05-05-6519-2/18 od 09.11.2018. godine.

II

Ovaj Zaključak stupa na snagu danom donošenja i objavit će se u „Službenom glasniku Grada Bihaća“.

Broj: GV-02-159/19
16. jula 2019. godine
B i h a ć

Predsjedavajući
Gradskog vijeća
Davor Župa, s.r.

202.

Na osnovu člana 27. Zakona o ustanovama („Službeni list R BiH“, br. 6/92, 8/93 i 13/94), člana 22. stav 2. Odluke o osnivanju JU „Zavod za prostorno uređenje“ Bihać - Prečišćeni tekst („Službeni glasnik Grada Bihaća“, broj: 7/15), a u vezi sa članom 35. tačka ff) Statuta Grada Bihaća („Službeni glasnik Grada Bihaća, broj: 13/15), Upravni odbor JU „Zavod za prostorno uređenje“ Bihać na 21. sjednici održanoj dana 09.11.2018. godine, donio je:

ODLUKU

O IZMJENAMA I DOPUNAMA PRAVILA JU „ZAVOD ZA PROSTORNO UREĐENJE“ BIHAĆ

Član 1.

U članu 2., 12., 17., 18., 32., 33., 42., 45., 47., 52., 53., 54., 62., 63., i 70. Pravila JU „Zavod za prostorno uređenje“ Bihać („Službeni glasnik Općine Bihać“, broj: 5/12 i 15/12 i „Službeni glasnik Grada Bihaća“, broj: 9/15) riječ: „zaposlenika“ zamjenjuje se riječju: „radnika“ u odgovarajućem broju i padežu.

Član 2.

U članu 11. stav (1) tački 1.3. alineji 5., iza brojevine oznake „16/10“ dodaje se slovo: „i“ i brojevine oznaka: „66/13“.

Član 3.

U članu 36. iza stava (3) dodaje se novi stav (4) koji glasi:

„(4) Ako je direktor razriješen prije isteka vremena za koje je imenovan ili po isteku vremena za koje je imenovan ne bude ponovo imenovan za direktora, prestaje mu radni odnos u skladu sa Zakonom o radu.“

Član 4.

U članu 49. stav (1) brojčane oznake:“ 58/2, 19/03, 10/07, 79/07“ zamjenjuju se brojčanom oznakom: “26/16“.

Član 5.

(1) U članu 59. stav (1) alineja 4. mijenja se i glasi:

„Pravilnik o plaćama i naknadama plaća“.

(2) U istom stavu alineje 7., 8. i 9. brišu se.

(3) Iza stava (1) dodaje se novi stav (2) koji glasi:

„Zavod kao budžetski korisnik u provođenju trezorskog načina rada primjenjivati će Računovodstvene politike za budžetske korisnike i trezor Grada Bihaća („Službeni glasnik Grada Bihaća“, broj: 8/17) i Pravilnik o uspostavljanju i vođenju glavne knjige trezora Grada Bihaća („Službeni glasnik Grada Bihaća“, broj: 8/17), kao i sve zakonske propise i podzakonska akta koji regulišu trezorsko poslovanje.“

Dosadašnji stav (2) postaje stav (3).

Član 6.

Ova Odluka stupa na snagu danom pribavljanja saglasnosti od Gradskog vijeća Bihać i objavljivanja ove Odluke u „Službenom glasniku Grada Bihaća“.

Član 7.

Upravni odbor Zavoda će u roku od 15 dana od dana stupanja na snagu ove Odluke, utvrditi prečišćeni tekst Pravila JU „Zavod za prostorno uređenje“ Bihać i dostaviti ga Statutarnoj komisiji Gradskog vijeća Bihać na verifikaciju.

Broj: 05-05-6519-2/18
9. novembra 2018. godine
Bihać

Predsjednik
Upravnog odbora
Selma Muharemović,
dipl. iur.

203.

Na osnovu člana 14. tačka f) Odluke o osnivanju Javne ustanove „Zavod za prostorno uređenje“ Bihać-Prečišćeni tekst („Službeni glasnik Grada Bihaća“, broj: 7/15) i člana 35. tačka c) Statuta Grada Bihaća („Službeni glasnik Grada Bihaća“, broj: 13/15 i 13/18), Gradsko vijeće Bihać na 39. sjednici održanoj dana 16.07.2019. godine, donijelo je

ZAKLJUČAK

**O DAVANJU SAGLASNOSTI NA
PRAVILNIK O IZMJENAMA I DOPUNAMA
PRAVILNIKA O UNUTRAŠNJOJ
ORGANIZACIJI I SISTEMATIZACIJI
RADNIH MJESTA JAVNE USTANOVE
„ZAVOD ZA PROSTORNO UREĐENJE“
BIHAĆ**

I

Daje se saglasnost na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Javne ustanove „Zavod za prostorno uređenje“ Bihać, usvojen Odlukom Upravnog odbora JU „Zavod za prostorno uređenje“ Bihać broj: 05-05-3822-2/19 od 03.07.2019. godine, na koji je Gradsko vijeće dalo saglasnost („Službeni glasnik Općine Bihać“, broj: 6/12 i „Službeni glasnik Grada Bihaća“, br: 2/14, 2/15, 13/15 i 15/15).

II

Ovaj Zaključak i Pravilnik o izmjenama i dopunama Pravilnika o unutrašnjoj organizaciji i sistematizaciji Javne ustanove „Zavod za prostorno uređenje“ Bihać stupa na snagu osmog dana po objavljivanju u „Službenom glasniku Grada Bihaća“.

III

Ovlašćuje se Statutarna komisija da u roku od 30 dana od dana stupanja na snagu ovog zaključka utvrdi prečišćeni tekst Pravilnika o unutrašnjoj organizaciji i sistematizaciji Javne ustanove „Zavod za prostorno uređenje“ Bihać.

Broj: GV-05-160/19
16. jula 2019. godine
Bihać

Predsjedavajući
Gradskog vijeća
Davor Župa, s.r.

204.

Na osnovu člana 8. Odluke o osnivanju Javne ustanove „Zavod za prostorno uređenje“ Bihać - Prečišćeni tekst („Službeni glasnik Grada Bihać“, br. 7/15), člana 65. i 66. Pravila JU „Zavod za prostorno uređenje“ Bihać - Prečišćeni tekst („Službeni glasnik Općine Bihać“, broj: 5/12, 15/12 i „Službeni glasnik Grada Bihaća“ broj: 9/15), člana 69. Pravilnika o radu Zavoda i člana 42. Poslovnika o radu Upravnog odbora Zavoda, Upravni odbor na sjednici održanoj dana 03.07.2019. god., uz prethodne konsultacije sa Sindikalnom organizacijom JU „Zavod za prostorno uređenje“ Bihać od 05.02.2019 god., donio je:

PRAVILNIK

**O IZMJENAMA I DOPUNAMA
PRAVILNIKA O UNUTRAŠNJOJ
ORGANIZACIJI I SISTEMATIZACIJI
RADNIH MJESTA**

Član 1.

U članu 1., 2., 6., 9., 11., 12., 14., 16., 19., 23., 26., 27., 28., 30., 32., 33. i 35. Pravilnika o unutrašnjoj organizaciji i sistematizaciji radnih mjesta JU „Zavod za prostorno uređenje“ Bihać („Službeni glasnik Općine Bihać“, broj: 6/12 i „Službeni glasnik Grada Bihaća“ broj: 2/14, 2/15, 13/15 i 15/15), riječ „zaposlenik“ zamjenjuje se riječju: „radnik“, u odgovarajućem broju i padežu.

Član 2.

U članu 4., 8., 9., 24., 28., 29. i 30. riječ „općinski“ zamjenjuje se riječju „gradski“, riječi „Općina Bihać“ zamjenjuju se riječima „Grad Bihać“, riječi „Općinskom vijeću“ zamjenjuju se riječima „Gradskom vijeću“, a riječi „Općinskog načelnika“ zamjenjuju se riječju „Gradonačelnika“, u odgovarajućem broju i padežu.

Član 3.

U poglavlju III Unutrašnje organizacione jedinice, u članu 7., stav (1), tačka C/ Sektor za implementaciju kapitalnih projekata, briše se.

Član 4.

U istom poglavlju, odjeljak C/ Sektor za implementaciju kapitalnih projekata i član 10., brišu se.

Član 5.

U članu 31. stav (2) brojčana oznaka „50/11“, zamjenjuje se brojčanom oznakom „48/11“.

Član 6.

U poglavlju XI Sistematizacija radnih mjesta sa opisima poslova, u dijelu Direktor, na kraju teksta, briše se tačka i dodaju se riječi „ i člana 25. i 26. Pravilnika o radu Zavoda“.

Član 7.

U istom poglavlju, dijelu Stručna služba, odjeljak C/Sektor za implementaciju kapitalnih projekata i radna mjesta tog odjeljka pod rednim brojevima od 01. do 05., brišu se.

Član 8.

U odjeljku A/ Sektor za investiciono-tehničke poslove, istog poglavlja, u rednim brojevima 01., 02., 08., 11. 12., 13. i 14., riječ „zaposlenik“ zamjenjuje se riječima „radnik“, riječi „Općinskog vijeća“ zamjenjuju se riječima „Gradskog vijeća“, a riječ „općinski“ zamjenjuje se riječju „gradski“, u odgovarajućem broju i padežu.

Član 9.

U istom odjeljku, oblast Uređenje građevinskog zemljišta, redni broj 04. Stručni savjetnik za elektroinstalacije, u „Opisu poslova radnog mjesta“, iza alineje 1. dodaje se nova alineja 2. koja glasi:

„- izrađuje analize, izvještaje, informacije i druge stručne materijale na osnovu podataka iz djelokruga poslova“

Alineja 6., mijenja se i glasi:

„- učestvuje u pripremanju tehničkog dijela tenderske dokumentacije za projektiranje i ugovaranje izrade tehničke dokumentacije za izvođenje radova na izgradnji i održavanju objekata i uređaja elektroinstalacija,“

Alineje 9., 10. i 11., brišu se.

Član 10.

U istom odjeljku, oblast Uređenje građevinskog zemljišta, iza rednog broja 04. dodaje se novo radno mjesto, koje glasi:

05. Stručni saradnik za elektroinstalacije

Opis poslova radnog mjesta:

- prikuplja i priprema potrebnu dokumentaciju i operativne podatke za izradu prijedloga godišnjih i srednjoročnih programa uređenja

- građevinskog zemljišta u dijelu koji se odnosi na održavanje, rekonstrukciju i izgradnju sistema i uređaja elektroinstalacija,
- poduzima mjere i aktivnosti na realizaciji usvojenih programa iz djelokruga rada, te koordinira aktivnosti svih učesnika na njihovoj realizaciji,
 - realizuje aktivnosti na tekućem i investicionom održavanju sistema i uređaja elektroinstalacija i inicira pokretanje novih investicija,
 - sudjeluje u izradi projektnih zadataka iz djelokruga rada,
 - priprema tehnički dio tenderske dokumentacije za projektiranje i ugovaranje izrade tehničke dokumentacije za izvođenja radova na izgradnji i održavanju objekata i uređaja elektroinstalacija,
 - obavlja poslove praćenja i usklađivanja izrade projektne dokumentacije,
 - pribavlja potrebne saglasnosti i odobrenja za građenje,
 - priprema tehnički dio tenderske dokumentacije, troškovnike za izvođenje radova održavanja, rekonstrukcije i građenja objekata i uređaja elektroinstalacija,
 - obavlja poslove nadzora, kontrole i ovjere situacija izvedenih radova tekućeg održavanja sistema i uređaja javne rasvjete, objekata i uređaja elektroinstalacija, kao i računa za utrošak električne energije za javnu rasvjetu, stručnog nadzora kvalitete izvedenih radova i kontrole dinamike izvođenja radova i investicionog nadzora,
 - prikuplja i sistematizuje podatke za uspostavu i vođenje baze podataka - katastra objekata i uređaja elektroinstalacija,
 - daje stručne prijedloge za racionalnije korištenje energije za potrebe javne rasvjete i uvodi režim noćne redukcije pogona javne rasvjete,
 - sudjeluje u tehničkom prijemu javne rasvjete i objekata i uređaja elektroinstalacije,
 - saraduje sa javnim preduzećima, komunalnim redarima, predstavnicima saobraćajne policije i predstavnicima mjesnih zajednica, radi rješavanja problema iz djelokruga rada,
 - prati i nadzire realizaciju izvršavanja poslova dekoracije grada svjetlećim nakitom, koji se postavlja na uređaje i objekte javne rasvjete,
 - priprema mjesečne i godišnje operativne planove i izvještaje,

- izrađuje mjesečne i godišnje izvještaje o radu,
- vrši samokontrolu zakonitosti rada i primjene pisanih procedura iz djelokruga svojih poslova,
- odgovara za zakonitost, blagovremenost i efikasnost izvršavanja poslova i radnih zadataka, kao i za razmjenu informacija i podataka između Sektora iz svog djelokruga rada,
- za svoj rad neposredno odgovara šefu Sektora i direktoru,
- obavlja i druge poslove u domenu stručne spremlje iz djelokruga rada, po nalogu šefa Sektora i direktora.

Uslovi za obavljanje poslova:

- I ciklus visokog obrazovanja Bachelor/Baccalaureat (sa najmanje 180 ECTS bodova)
 - tehnički fakultet-elektrotehnički odsjek ili elektrotehnički fakultet
- najmanje 1 godina radnog iskustva nakon sticanja stručnog zvanja
- položen stručni ispit
- položen vozački ispit „B“ kategorije
- poznavanje rada na računaru

Probni rad : 3 mjeseca

Grupa poslova: stručno-operativni

Složenost poslova: djelimično-složeni

Naziv radnog mjesta: Stručni saradnik

Broj izvršilaca: 1 (jedan)

Član 11.

U rednom broju 05. Stručni saradnik za uređenje građevinskog zemljišta, istog odjeljka, u „Uslovima za obavljanje poslova“, broj izvršilaca mijenja se tako da umjesto broja 2 (dva) treba da stoji broj 1 (jedan).

Član 12.

U odjeljku A, oblast Komunalna djelatnost zajedničke komunalne potrošnje, radno mjesto pod rednim brojem 14. Referent za zajedničku komunalnu potrošnju, briše se.

Član 13.

U istom odjeljku, oblast Uređenje i održavanje vodotoka i drugih voda, izgradnja, rekonstrukcija i održavanje vodnih objekata, u rednom broju 16. Stručni saradnik za vode, u „Uslovima za obavljanje poslova“, broj izvršilaca mijenja se tako da umjesto broja 2 (dva) treba da stoji broj 3 (tri).

Član 14.

Ostali redni brojevi odjeljka A, mijenjaju se u rednom broju koji slijedi nakon rednog broja koji je izmijenjen ili dopunjen odredbama ovog Pravilnika.

Član 15.

U odjeljku B/ Sektor za ekonomske, pravne i zajedničke poslove, u rednim brojevima 01., 07., 09., 10., 11. i 12., riječ „zaposlenik“ zamjenjuje se riječima „radnik“, riječi „Općinskog vijeća“ zamjenjuju se riječima „Gradskog vijeća“, riječi „Općinskim pravobranilaštvom“ zamjenjuju se riječima „Gradskim pravobranilaštvom“, a riječ „općinski“ zamjenjuje se riječima „gradski“, u odgovarajućem broju i padežu.

Član 16.

U rednom broju 03. Stručni saradnik za računovodstvene poslove, istog odjeljka B., u „Uslovima za obavljanje poslova“, broj izvršilaca mijenja se tako da umjesto broja 2 (dva) treba da stoji broj 1 (jedan).

Član 17.

U istom odjeljku, iza rednog broja 03. dodaje se novo radno mjesto, koje glasi:

04. Stručni saradnik za obračun plaća i namjenskih prihoda

Opis poslova radnog mjesta:

- prati i primjenjuje zakonske propise, interna normativna akta vezana za obračun plaća i namjenskih prihoda,
- zaprima, obrađuje i kontroliše dokumentaciju za obračun plaća radnika Zavoda (bolovanja, obustave, evidencija radnog vremena, izrada mjesečnih izvještaja plaća, evidencija isplata i refundacija bolovanja),
- vrši obračun bolovanja, obračun kredita i obustava za radnike,
- vodi brigu i kontroliše opterećenost plaća radnika i prati izvršenje plaćanja obaveza po administrativnim zabranama,
- vrši ispis obračunskih listića za plaću, izradu statističkih izvještaja i izvještaja za Poreznu upravu vezanih za isplate plaća radnika,
- vodi mjesečne i godišnje evidencije svih isplata i obustava po osnovu plaća,
- izrađuje i blagovremeno predaje statističke izvještaje,

- sastavlja potrebne izvještaje o obračunatim plaćama radnika,
- kontroliše i vrši slanje propisanih obrazaca za plaće nadležnim institucijama,
- vodi poslovnu korespondenciju sa nadležnim institucijama u vezi obračuna plaća,
- vrši obračun ostalih naknada (članovima Nadzornog odbora, Upravnog odbora, Ugovora o privremenim i povremenim poslovima, prevoza radnika i sl.),
- priprema dokumentaciju o plaćama za izradu izvještaja i povlačenje sredstava iz Zavoda za zapošljavanje po posebnim poticajnim programima zapošljavanja,
- vrši obračun komunalne naknade i utvrđuje visinu obaveze za obveznike,
- prati naplatu, pretražuje i usaglašava finansijske kartice dužnika komunalne naknade,
- vrši knjiženja i usklađivanja otvorenih stavki s dužnicima komunalne naknade,
- inicira pokretanje postupaka utuživanja i prisilne naplate potraživanja Zavoda;
- priprema dokumentaciju (finansijske dokumentacije, finansijskih kartica i obračuna zatezanih kamata) za pokretanje izvršnih postupaka za sva potraživanja iz nadležnosti Zavoda,
- obavlja rad sa strankama i dostavlja pismene opomene obveznicima komunalne naknade koji nisu izmirili obaveze,
- otvara knjigovodstvo sumnjivih i spornih potraživanja koje zatvara dovršetkom postupaka,
- svakodnevno i kontinuirano prati naplatu potraživanja,
- izrađuje mjesečne, polugodišnje i godišnje izvještaje o zaduženju i naplati potraživanja,
- izrađuje mjesečne i godišnje izvještaje o radu,
- vrši samokontrolu zakonitosti rada i primjene pisanih procedura iz djelokruga svojih poslova,
- odgovara za zakonitost, blagovremenost i efikasnost izvršavanja poslova i radnih zadataka, te za razmjenu informacija i podataka između Sektora iz svog djelokruga rada,
- za svoj rad neposredno odgovara šefu Sektora i direktoru,
- obavlja i druge poslove u domenu stručne spremlje iz djelokruga rada, po nalogu šefa Sektora i direktora.

Uslovi za obavljanje poslova:

- I ciklus visokog obrazovanja Bachelor/Baccalaureat (sa najmanje 180 ECTS bodova) ekonomski fakultet

- najmanje 1 godina radnog iskustva nakon sticanja stručnog zvanja

- poznavanje rada na računaru

Probni rad : 3 mjeseca

Grupa poslova: računovodstveno-materijalni, stručno-operativni

Složenost poslova: djelimično složeni

Naziv radnog mjesta: Stručni saradnik

Broj izvršilaca: 1 (jedan)

Član 18.

U rednom broju 04. Referent za komunalnu naknadu, istog odjeljka, u „Opisu poslova radnog mjesta“, alineja 7., briše se.

Alineja 10., mijenja se i glasi:

„- priprema dokumentaciju (rješenja komunalne naknade, povratnice, zapisnike i drugu dokumentaciju na osnovu koje je utvrđena obaveza ili promjena obaveze plaćanja komunalne naknade) za pokretanje postupaka prinudne naplate komunalne naknade.

U „Uslovima za obavljanje poslova“, broj izvršilaca mijenja se, tako da umjesto broja 2 (dva) treba da stoji broj 1 (jedan).

Član 19.

U rednom broju 06. Referent za blagajničke poslove i likvidaciju, istog odjeljka, naziv radnog mjesta mijenja se i glasi:

„Referent za blagajničke poslove“

U „Opisu poslova radnog mjesta“, alineje 1., 2., 8., 10., 11., 12., 13., 14., 15., i 16., brišu se.

Član 20.

Ostali redni brojevi odjeljka B, mijenjaju se u rednom broju koji slijedi nakon rednog broja koji je izmijenjen ili dopunjen odredbama ovog Pravilnika.

Član 21.

Ovaj Pravilnik stupa na snagu danom pribavljanja saglasnosti od Gradskog vijeća Bihać i objavljivanja Pravilnika o izmjenama i dopunama Pravilnika o unutrašnjoj organizaciji i sistematizaciji radnih mjesta Zavoda u „Službenom glasniku Grada Bihaća“.

Član 22.

Upravni odbor Zavoda će u roku od 15 dana od dana stupanja na snagu ovog Pravilnika, utvrditi prečišćeni tekst Pravilnika o unutrašnjoj organizaciji i sistematizaciji radnih mjesta Zavoda i dostaviti ga Statutarnoj komisiji Gradskog vijeća Bihać na verifikaciju.

Broj: 05-05-3927/19
5. jula 2019. godine
Bihać

Predsjednik
Upravnog odbora
Selma Muharemović,
dipl. iur.

205.

Na osnovu člana 35. tačka kk) Statuta Grada Bihaća („Službeni glasnik Grada Bihaća“, broj 13/15 i 13/18), a u vezi sa članom 132. alineja a) Poslovnika Gradskog vijeća Bihać („Službeni glasnik Grada Bihaća“, broj 3/16), Gradsko vijeće Bihać na 39. sjednici, održanoj dana 16.07.2019. godine, donijelo je

ZAKLJUČAK

O USVAJANJU IZVJEŠTAJA O RADU GRADSKOG PRAVOBRANILAŠTVA BIHAĆ ZA PERIOD OD 01.01.2018. GODINE DO 31.12.2018. GODINE

I

Usvaja se Izvještaj o radu Gradskog pravobranilaštva Bihać za period od 01.01.2018. godine do 31.12.2018. godine, s utvrđenim prijedlogom mjera.

II

Ovaj Zaključak stupa na snagu osmog dana od dana objavljivanja u „Službenom glasniku Grada Bihaća.“

Broj: GV-05-161
16. jula 2019. godine
Bihać

Predsjedavajući
Gradskog vijeća
Davor Župa, s.r.

206.

Na osnovu članan 2.12 stav (5) Izbornog zakona Bosne i Hercegovine („Službeni glasnik BiH“, broj 23/91, 7/02, 9/02, 20/02, 25/02, 4/04, 20/04, 55/04, 25/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 31/16) i člana 35. tačka bb) Statuta Grada Bihaća („Službeni glasnik Grada Bhaća“, broj 13/15 i 13/18), Gradsko vijeće Bihać na 39. sjednici, održanoj dana 16.07.2019.godine, donijelo je:

S A D R Ź A J

195. Odluka o radnom vremenu u određenim djelatnostima na području Grada Bihaća	649	201. Zaključak o davanju saglasnosti na Odluku o izmjenama i dopunama Pravila Javne ustanove „Zavod za prostorno uređenje“ Bihać	657
196. Odluka o pristupanju izradi izmjena i dopuna Regulacionog plana naselja „Ceravci I“ za područje „F“	653	202. Odluka o izmjenama i dopunama Pravila JU „Zavod za prostorno uređenje“ Bihać	657
197. Odluka o pristupanju izradi izmjena i dopuna urbanističkog projekta „Dijela užeg gradskog centra sa dijelom Trga maršala Tita“	654	203. Zaključak o davanju saglasnosti na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Javne ustanove „Zavod za prostorno uređenje“ Bihać	658
198. Odluka o davanju saglasnosti na prenos Ugovora o koncesiji za istraživanje i eksploataciju dolomita na ležištu „Gata“ sa privrednog društva „IKIĆ-COMERC“ d.o.o. Bihać na privredno društvo „IE GRADNJA“ d.o.o. Bihać	655	204. Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta	659
199. Odluka o utvrđivanju javnog interesa za nepotpunu eksproprijaciju nekretnina radi izgradnje kanalizacije za oborinske vode i ispuštanje voda u zacijevljeni dio potoka Drobinica, Grad Bihać u korist „JU Zavod za prostorno uređenje“ Bihać	655	205. Zaključak o usvajanju Izvještaja o radu Gradskog pravobranilaštva Bihać za period od 01.01.2018. godine do 31.12.2018. godine	662
200. Odluka o utrošku sredstava posebne naknade za zaštitu od prirodnih i drugih nesreća za sufinansiranje Programa uređenja i održavanja vodotoka i drugih voda, izgradnja, rekonstrukcija i održavanje vodnih objekata za 2019. godinu.	656	206. Rješenje o imenovanju člana Gradske izborne Komisije Bihać	662
		207. Rješenje o konačnom imenovanju člana Upravnog odbora Javne ustanove „Stanouprava“ Bihać	663